

आकाशवाणी

खबरां ----

1. प्रधानमंत्री नरेंद्र मोदी होरें मारिशस दे प्रधानमंत्री डॉ. एन. रामगुलाम हुंदे नै ते राष्ट्रपति धर्म गोखूल हुंदे नै मलाटी कीती। प्रधानमंत्री मोदी हुंदा मारिशस च निग्गा सुआगत कीता गेआ।
2. राष्ट्रपति द्रोपदी मुर्मू होरें बठिंडा च पंजाब केंद्री विश्वविद्यालय दे दीक्षांत समारोह च संबोधित कीता ते आखेआ जे पंजाब केंद्रीय विश्वविद्यालय ना छडा भारत बल्के विदेशें दी बक्ख-बक्ख संस्कृतियें दा संगम ऐ।
3. राज्यसभा च शिक्षा मंत्रालय दे कम्मकाज पर चर्चा शुरू।
4. लोकसभा च पूरक मंगें दे दुए बैच ते मणिपुर बजट पर चर्चा शुरू।
5. सरकार नै ए.ए.सी ते जे.के.आई.एम ना दे 2 आतंकवादी गुटें पर प्रतिबंध लाया।
6. महिला प्रीमियर लीग क्रिकेट च अज्ज मुम्बई इंडियन्स दा मकाबला रॉयल चैलेंजर्स बेंगलुरु कन्नै होगा।



**PM**

प्रधानमंत्री नरेंद्र मोदी 2 दिनें दी जात्तरा पर अज्ज बड्डुलै मारिशस पुज्जे। ब्हाई अड्डे पर प्रधानमंत्री नवीनचंद्र रामगुलाम होरें उन्दा निग्गा सुआगत कीता। उन्दे नै मारिशस दे उप-प्रधानमंत्री, मारिशस दे मुख्ख न्याधीश, नेशनल असेंबली दे अध्यक्ष, विपक्ष दे नेता विदेश मंत्री, कैबिनेट सचिव, ग्रैंड पोर्ट

जिला परिषद दे अध्यक्ष ते होरनें मानजोग व्यक्ति प्रधानमंत्री हुंदे सुआगत लेई उत्थे मौजूद हे। सोशल मीडिया पोस्ट च श्री मोदी होरें ब्हाई अड्डे पर उन्दे सुआगत लेई मारिशस दे प्रधानमंत्री नवीनचंद्र रामगुलाम हुंदी मौजूदगी पर आभार प्रगट कीता। श्री मोदी होरें आखेआ जे एह जातरा मित्र कन्नै मिलने ते बक्ख-बक्ख खेत्तरें च सहयोग दी नमी बत्त तलाशने दा शानदार मौका ऐ। भारतीय समुदाय दे लोकें बी प्रधानमंत्री हुंदा सुआगत कीता।



### PM-Maritius Visit

द'ऊं दिनें दे मारीशस दौरे पर गेदे प्रधानमंत्री नरेंद्र मोदी होरें उत्थे रवा करदे भारतीय मूल दे लोकें आसेआ निग्गा सुआगत करने पर उन्दा आभार प्रगट कीता ते भारतीय विरसे ते संस्कृति कन्नै निग्गर जुड़ाव बनाई रखने लेई उंदी सिफत कीती ऐ। सोशल मीडिया पोस्ट च उनें इस गल्लै गी उजागर कीता जे किस चाल्ली भारतीय संस्कृति कन्नै एह सरबंध पीढी दर पीढी अगडे बधदा आया ऐ। प्रधानमंत्री होरें अज्ज मारीशस दे साबका राष्ट्रपति सर अनिरुद्ध सर शिउसागर रामगुलाम होरें गी पैम्पले मौसेस स्थित सर शिउसागर राम गुलाम बोटानिक गार्डन च श्रद्धांजलि बी भेंट कीती। उनें भारत ते मारीशस बश्कार सरबंधें गी मजबूती देने च उन्दे योगदान गी बी चेत्ता कीता। मगरा प्रधानमंत्री होरें राष्ट्रपति धर्म गोखूल होरें'गी मिले ते उ'नेंगी प्रयागराज च महाकुम्भ दौरान भरे गेदा गंगाजल भेंट कीता।



### Prez. Visit

राष्ट्रपति द्रौपदी मुर्मू होरें आखेआ ऐ जे पंजाब केंद्रीय विश्वविद्यालय ना शडा भारत बल्के विदेशें दी बक्ख-बक्ख संस्कृतियें दा संगत ऐ। इत्थे विद्यार्थियें ते शिक्षकें च भारत दी विविधता लबदी ऐ। नेहू संस्थान साहडे देश दी जींदी जागदी ते समृद्ध संस्कृति दे प्रतिनिधि संस्थान ऐ। बठिंडा च अज्ज विश्वविद्यालय दे 10में दीक्षांत समारोह गी संबोधित करदे होई उनें एह गल्ल आक्खी। कौल गै

तलवंडी साबो च स्थापित तख्त श्री दमदमा साहिब दा जिक्र करदे होई राष्ट्रपति होरें आखेआ जे दुनिया दे इक मते गै पवित्र तीर्थ स्थान दी आध्यात्मिक उर्जा इत्थे मौजूद ऐ। उनें आखेआ जे इस क्षेत्र गी गुरु गोबिंद सिंह जी नै गुरु दी काशी दा पवित्र ना दित्ता हा। आकाशवाणी संवादाता मूजब राष्ट्रपति द्रोपदी मुर्मू होरें आखेआ जे महिलाएं दे विकास दा मतलब समाज दा विकास ऐ। शिक्षित महिला इक मजबूत समाज दा निर्माण करी सकदी ऐ। दीक्षांत समारोह च 1031 सनात्कोत्तर डिग्री ते 8 पीएचडी डिग्री ते 43 सुन्ने दे तगमे प्रदान कीते गो।

<><><><><><>

### Estimates Agri Crops

कृषि ते करसान कल्याण मंत्रालय नै 2024-25 ब'रे लेई मुख्क फसलें दी पैदावार दा दुआ अगेत्रा अंदाजा जारी कीता ऐ। एह्दे तैह्त्त सौनी अन्नदाने दा झाड़, तकरीबन 1 ज्हार 664 लक्ख मीट्रिक टन रौह्ने ते रबी अन्नदाने दा उत्पादन 1 ज्हार 645 लक्ख मीट्रिक टन थमां बद्ध होने दी मेद ऐ। 2024-25 ब'रे लेई 1 ज्हार 206 लक्ख मीट्रिक टन थमां मती मुंजी दे उत्पादन दा अंदाजा ऐ।

<><><><><><>

### RS-Ministry of Education

राज्यसभा च अज्ज शिक्षा मंत्रालय दे कम्मकाज पर चर्चा शुरू होई। कांग्रेस दे दिग्विजय सिंह होरें चर्चा दी शुरूआत करदे होई शिक्षकें दे कौशल ते प्रशिक्षण दे बारे च गल्ल कीती। उनें आखेआ जे विश्वविद्यालयें च शोधकर्ताएं गी जूनियर रिसर्च फैलोशिप देने च चिर लगगा रदा ऐ। श्री सिंह होरें केंद्र सरकार विश्वविद्यालयें थमां जीएसटी लै रदी ऐ जेड़ा पैहले कदें बी नेई होआ। भारती जनता पार्टी दे घनश्याम तिवारी होरें आखेआ जे केंद्र सरकार नै देश दी शिक्षा प्रणाली गी बदलने लेई कई गैहू पुट्टियां ना तिवारी होरें आखेआ जे 14 ज्हार 500 शा मते स्कूलें दा आधुनिकीकरण कीता जारदा ऐ। टीएमसी दे रीताब्रत बनर्जी होरें आखेआ जे बजट च शिक्षा पर केंद्र दा खर्च सकल घरेलू उत्पाद दा फिसर अशारिया 3-7 फीसद ऐ जिसे बदाया जाना लोड़चदा ऐ। उनें बेरोजगारी दा मुदा बी पुट्टेआ।

<><><><><><>

## Demand for Grants

लोकसभा च 2024-25 लेई अनुदानें दे दुए बैच ते मणिपुर बजट पर चर्चा शुरू होई गई ऐ। अनुदानें दी जिमनी मंगें च सरकार नै चालू माली बरे च 51 ज्हार 462 करोड़ रपे अतिरिक्त खर्च करने लेई संसद दी मंजूरी मंगी ऐ। चर्चा दी शुरूआत करदे होई कांग्रेस दे गौरव गोगोई होरें भारत ते अमरीका बश्कार टैरिफ चर्चा दी खबरें दे बारे सुआल कीता। उनें देश च अनौपाचारिक खेत्तर दे बारै च बी गल्ल कीती ते सरकार दी मेक इन इंडिया पैहल पर बी सुआल पुट्टेआ।



## Ujala

सरकार नै उजाला योजना तैहत हुनै तोड़ी पूरे देश च कोई 37 करोड़ एल.ई.डी बल्ब बंडे ना। राज्यसभा च इक सुआल दे लिखित परते च केंद्री उर्जा मंत्री मनोहर लाल होरें आखेआ जे इस योजना थमां हर बरे कोई 48 बिलियन किलो वाट फही घैटे उर्जा दी बचत होई ऐ। उनें आखेआ जे एल.ई.डी इक टिकाऊ, उर्जा कुशल रोशनी दा हल प्रदान करदा ऐ, जेडा पर्यावरण लक्ष्यें दा समर्थन करदा ऐ।



## Cltural-Minister

केंद्री संस्कृति मंत्री गजेंद्र सिंह शेखावत होरें अज्ज नमीं दिल्ली च एन.एआई आसेआ वास्तुकला राएं भारती विरासत पर प्रदर्शनी दा उद्घाटन कीता। एह प्रदर्शनी एन.ए.आई दे 135में स्थापना दिवस दे मौके आयोजित कीती गई। मीडिया कन्नै गल्ल करदे होई श्री शेखावत होरें आखेआ जे एन.ए.आई वर्तमान च दुनिया दे सब्भनें शा बड्डे डिजीकरण कार्जक्रम पर कम्म करा'रदा ऐ जिस च इक महीने च 6 लक्ख शा मते पन्ने दा संरक्षण कीता जारदा ऐ। आकाशवाणी समाचार कन्नै गल्ल करदे होई एनएआई दे महानिदेशक अरूण सिंघल होरें इस गल्लबात पर लो पाई जे एह प्रदर्शनी देश दी वास्तुकला दे विकास गी प्रदर्शित करदी ऐ।



## Bihar-Metro Rail

बिहार के मुख्यमंत्री नीतीश कुमार हों अज्ज पटना जंक्शन ते पाटलीपुत्र आई.एस.एस.टी बश्कार मेट्रो रेल परियोजना के दुए गलियारे के निर्माण कम्में गी बदांके होई तीसरी टनल बोरिंग मशीन का उद्घाटन कीता। इस मौके पर मुख्यमंत्री ते नगरीय विकास ते आवासीय विभाग के मंत्री जिवेश कुमार ते होरने अधिकारी बी मजूद हे। पटना मेट्रो रेल के प्रस्तावित दुए गलियारे की लम्बाई कोई 18 किलोमीटर ऐ जिस का 6 किलोमीटर उप्पर ते बाकी का भूमिगत होगा।



## Govt. Terroristfit Ban

सरकारै अज्ज 2 आतंकी संगठनों पर पाबंदी लाने का ऐलान कीता ऐ जिंदे पर अवामी एक्शन कमेटी ते जम्मू-कश्मीर इत्तेहादुल मुसलमीन शामिल ना। इनें दौनों संगठनों पर गृह मंत्रालय नै गैर कनूनी गतिविधिएं पर रोक लाने सरबंधी कनून तैहत पाबंदी लाई ऐ। मंत्रालय आसेआ जारी अधिसूचना च आखेआ गेआ ऐ जे इंदियां गतिविधियां मुल्खै की सुरक्षा, एकता ते अखंडता लेई खतरा ना।



## ECI

चुनांऽ आयोग नै अज्ज सब्बै राश्ट्रीय ते राज्य आहले राजनीतिक दलें नै ई.आर.ओ, जिला चुनांऽ अधिकारी, सीईओ के स्तर पर कुसै बी अनसुलझे मुद्दे लेई 30 अप्रैल तोड़ी सुझा मंगे ना। इक बयान च चुना निकाय नै आखेआ ऐ जे एहू स्थापित कनून के मताबक चुनाबी प्रक्रियाएं गी होर मजबूत करने लेई सांझे रूपै नै अध्यक्षें ते वरिष्ठ सदस्यें कन्नै गल्लबात की बी परिकल्पना करदा ऐ।



## Cyber Attack

सोशल मीडिया प्लेटफार्म एक्स पर जंदी रातीं इक बड्डा साइबर हमला होआ, जेह्दे कारण इस मंच पर लोकें गी केई सारी दिक्कतें दा सामना करना पेआ। इस हमले च दुनिया भरै च एक्स दे ज्हारें उपभोक्ताएं गी अपने हैंडल तगर पुज्जने ते उसी बरतने च परेशानी पेश आई। इस हमले दा सब्बने शा मता असर अमरीका ते बरतानिया च दिक्खने गी लब्भा। एलोन मस्क होरें आपूं इस हमले दी तस्दीक करदे होई शेंका जताई ऐ जे एहू हमला बड़े मते संसाधने कन्नै कीता गेदा ऐ ते एह्दे च पक्क गै कोई बड्डा गिरोहू जां देश शामिल ऐ।



## Railway Special Trains

उत्तरी रेलवे होली दे ध्यार शा पैह्ले यात्रुएं दी सखल्ली यात्रा लेई 400 थमां मतियां विशेष रेलगड्डियां चला'रदी ऐ। नमीं दिल्ली च मीडिया आलें कन्नै गल्ल करदे होई उत्तरी रेलवे दे मुख्क जनसंपर्क अधिकारी हिमांशु उपादयाय होरें दस्सेआ जे यात्रुएं दी सुविधा दे व्यापक इंतजाम कीते गेदे न। उनें दस्सेआ जे राश्ट्रीय राजधानी दे नमीं दिल्ली आनंद विहार ते हजरत निजामुद्दीन रेलवे स्टेशनं पर यात्रुएं लेई सुरक्षा बवस्था, लौहके कंट्रोल रूम ते इंतजार करने लेई प्रतीक्षा क्षेत्र बनाए गे न। उनें आखेआ जे लोड पौने पर ऑन डिमांड विशेष रेलगड्डियां बी चलाइयां जांगन। श्री उपादयाय होरें आखेआ जे प्लेटफार्म पर प्रवेश छड्डा उनें यात्रुएं गी गै दित्ता जाग जिंदे कोल वैद्य रेल टिकट होंगन।



## US-Ukraine

यूक्रेन रूस संघर्ष गी खत्म करने दी दिशा च इक बत्ता गी तलाशने लेई साउदी अरब दे जिदाह च यूक्रेन ते संयुक्त राज्य अमेरीका दे अधिकारियें बश्कार उच्च स्तरीय गल्लबात शुरू होई ऐ। मीडिया रिपोर्ट दे मताबक दौनें पक्ख अज्ज लाल सागर बंदरगाह शैहर च इक आलीशान होटल च बैठक करा'रदे न। अमरीकी प्रतिनिधिमंडल दी अगुवाई अमरीका दे विदेश मंत्री मार्को रूबियो करा'रदे न। एहू

बैठक कीव दी फौज आसेआ मास्को पर हुनै तोड़ी दा सब्बनें शा बड्डा ड्रोन हमला करने दे किश घंटे बाद होई ऐ। यूक्रेन दे राष्ट्रपति वलादीमीर जेलेंस्की होरें गल्लबात कोला पैहले इक सोशल मीडिया पोस्ट च मेद बुज्झी ही जे जेदाह च होने आहली बैठक पिछले म्हीने अमरीका दे राष्ट्रपति डोनाल्ड ट्रम्प दे कन्नै उन्दी बैठक दे बाद व्यवहारिक अमरीका दे सरबंघें च परतियै जान भरोग।

<><><><><><>

## WPL

मुम्बई च महिला प्रिमियर लीग क्रिकेट दे खीरी लीग मैच च अज्ज मुम्बई इंडियन्स दा मुकाबला रायल चैलेंजर्स बेंगलुरु कन्नै होग। मैच हुनै कोला किश चिर मगरा ठीक साड्डे 7 बजे शुरू होग। महिला प्रीमियर लीग क्रिकेट दे कल मुंबई च खेड्डे गेदे इक मैच च मुंबई इंडियन्स नै गुजरात जायंट्स गी 9 रंजें कन्नै हराया। इस जित्त दे कन्नै गै मुंबई इंडियन्स हुन दिल्ली कैपिटल्स दे बरोबर 10 अंक हासल करने आली दूई टीम बनी गई ऐ। पर कुल रनरेट घट्ट होने कारण ओ दुए नंबरै पर ऐ। कल्लै आले मैच च मुंबई इंडियन्स पै पैहले बल्लेबाजी करदे होई 20एं ओवरें च 6 विकेटें दे नुक्सान पर 179 रंज बनाए। जेह्दे परते च गुजरात जायंट्स दी टीम छड्डे 170 रंज गै बनाई सकी।

<><><><><><>

## LG-Bihar Ing

उपराज्यपाल मनोज सिन्हा होरें अज्ज आखेआ ऐ जे पिछले 10एं बरें च प्रधानमंत्री नरेंद्र मोदी हुंदे नेतृत्व च भारत नै सेहत दिक्खभाल दे खेत्तर च कई उपलब्धियां हासल कीतियां ना। अज्ज बिहार दे मोतीहार च श्री बीरेंद्र राय अस्पताल दा उद्घाटन करदे मौके मनोज सिन्हा होरें आखेआ जे इलाज मुआलजे ते सेहत टेकनालजी दे खेत्तर च भारत दिएं काहड्डें गी पूरी दुनिया च मानता हासल होआ करदी ऐ। उनें आखेआ जे भारतीय डाक्टरें दी मंग पूरी दुनिया च ऐ ते दुनिया दे कई मुल्लखें थमां लोक घट्ट खर्चें च म्यारी इलाज लेई भारत औंदे ना। जम्मू-कश्मीर दे उपराज्यपाल होरें मुल्लखै दे दूर-दरेडे इलाकें च माहिर सेहत कर्मिं ते बेहतर सेहत सेवाएं दी जरूरतै पर बी जोर दित्ता।

<><><><><><>